

hætti og heilbrigðiseftirlit ásamt síðari breytingum. Reglugerðin er enn fremur sett með hliðsjón af 1. viðbótarpakka EES-samningsins, II. viðauka, XVII. kafla 6. tl. (tilskipun 93/12/EBE).

Reglugerð þessi tekur gildi við birtingu.

Umhverfissráðuneytið, 9. janúar 1995.

Össur Skarphéðinsson.

Magnús Jóhannesson.

AUGLÝSING

um staðfestingu á breytingu á aðalskipulagi Sogsfossa, Grímsneshreppi.

Samkvæmt skipulagslögum nr. 19, 21. maí 1964 hefur ráðuneytið þann 9. janúar 1995 staðfest breytingu á aðalskipulagi Sogsfossa í Grímsneshreppi 1989-2009.

Breytingin er að áður áformuð íbúðasvæði verða að sumarbústaðasvæðum.

Breyting þessi hefur hlotið þá meðferð sem skipulagslög nr. 19/1964 mæla fyrir um og samþykki sveitarstjórnar Grímsneshrepps og skipulagsstjórn ríkisins hefur afgreitt hana til staðfestingar.

Umhverfissráðuneytið, 9. janúar 1995.

F. h. r.

Magnús Jóhannesson.

Hrafn Hallgrímsson.

AUGLÝSING

um staðfestingu á breytingu á aðalskipulagi Borgarfjarðarhrepps.

Samkvæmt skipulagslögum nr. 19, 21. maí 1964 hefur ráðuneytið þann 9. janúar 1995 staðfest breytingu á aðalskipulagi Borgarfjarðar eystri 1981-2001, sem staðfest var 16. apríl 1982.

Breytingarnar eru eftirfarandi:

- Gatnamót væntanlegs vegar til Loðmundarfjarðar eru flutt um 70 metra til suðurs og íbúðasvæðum til síðari aukningar breytt til samræmis, en þó þannig að 12 metra breytt grænt svæði verður meðfram veginum.

- Um 17 metrum sunnan við ofanefndan veg og á hluta af svæði sem áður var ætlað fyrir íþróttavöll verður um 3 ha svæði fyrir hesthús og annan tómstundabúskap.
- Þá er gert ráð fyrir að lengja megi flugbraut og þar með öryggissvæði flugvallar um 80 m til norðurs.

Breyting þessi hefur hlotið þá meðferð sem skipulagslög nr. 19/1964 mæla fyrir um og samþykki sveitarstjórnar Borgarhrepps og skipulagsstjórn ríkisins hefur afgreitt hana til staðfestingar.

Umhverfissráðuneytið, 9. janúar 1995.

Össur Skarpéðinsson.

Magnús Jóhannesson.

AUGLÝSING

um breytingu á aðalskipulagi Grindavíkur.

Samkvæmt ósk bæjarstjórn Grindavíkur hefur skipulagsstjórn ríkisins þann 16. nóvember 1994 staðfest breytingu á viðauka frá 25. nóvember 1991 við aðalskipulag Grindavíkur 1990-2010, sbr. 3. og 4. mgr. 19. gr. skipulagslaga nr. 19/1964. Viðauki þessi gerir ráð fyrir meðferðar- og þjónustuaðstöðu við nýtt lón undir fjallinu Þorbirni.

Breytingin er fólgin í því að þessi uppbygging verði flutt á svæði vestan við lóð Hitaveitu Suðurnesja. Þá verði einnig bætt við nýjum aðkomuvegi frá Grindarvíkurvegi.

Bæjarstjórn Grindavíkur hefur lýst því yfir, að hún taki að sér að bæta það tjón, er einstakir aðilar kunna að verða fyrir við breytinguna.

Umhverfissráðuneytið, 9. janúar 1995.

F. h. r.

Magnús Jóhannesson.

Hrafn Hallgrímsson.

AUGLÝSING

um breytingu á deiliskipulagi Arnardalsreits, Akranesi.

Samkvæmt ósk bæjarstjórnar Akraness hefur skipulagsstjórn ríkisins þann 14. desember 1994 staðfest breytingu á deiliskipulagi Arnardalsreits frá 11. október 1988, sbr. 3. og 4. mgr. 19. gr. skipulagslaga nr. 19/1964.